

七十二家集

王左丞集引

僧孺作南海曰遺子孫者  
不在越裝而平生聚書  
任沈博且多麗本迺  
洗自康則吳祜青一宿書  
之虞都爲過計耳藝梁

際缺可未興蓄書俱宿本  
而能積玉萬餘卷是以難  
也史謂甘肅又好用新書人  
所未見余嘗愛甘肅之所  
藏筆迹遺者絲之所舒文  
正端情屢昂首而峰嶸乍

從心而棲終展讀數過佛人  
吟跳石終休豈待嚙腸滴而  
化石展脂燃以作燈然後為  
奇哉因快僧孺幼孤母每携  
之市值中亟鹵簿驅迫憐  
中願後自為中丞引驕

通悲不自禁人生虎鼠推  
遷難料如此君玉性所鍾  
六齡五六歲時讀孝經轉  
熟也

張奕識

王左丞集目錄

卷一

賦

賦體

樂府

朱鸞

鼓瑟曲有所思

白馬篇

古意

登高臺

湘夫人

詩

侍宴

又

落日登高

中川長望

贈顧倉曹

秋日愁居答孔主簿

至牛渚憶劉少英

寄何記室

何遜贈王左丞僧孺附

何遜敬酬王明府僧孺附

忽不任愁聊示固違

爲何庫部舊姬擬薜蘿之句

何生姬人有怨

爲人傷近而不見

月夜詠陳南康新有所納



詠擣衣

與司馬治書同聞隣婦夜織

爲人述夢

侍宴景陽樓

春日寄鄉友

夜愁示諸賓

送殷何兩記室

春閨怨

秋閨怨

詠寵姬

在王晉安酒席數韻

爲人寵姬有怨

爲姬人自傷

爲人有贈

見貴者初迎盛姬聊爲之詠

傷乞人

春思絕句

爲徐僕射妓作

聯句

阻雪連句遙贈和

卷二

表

吏部郎表

爲臨川王讓太尉表

爲南平王讓儀同表

爲韋雍州致仕表

爲南平王妃拜改封表

謝曆表

牋

逮詣南司辭府牋

啓

謝除吏部郎啓

謝賜于陂利國所獻檳榔啓

謝齊竟陵王使撰衆書啓

爲蕭監利求入學啓

答釋法雲啓

教

南海郡求士教

書

與何炯書

答江琰書

與陳居士書

序

詹事徐府君集序

臨海伏府君集序

卷三

碑

中寺碑

栖玄寺雲法師碑

墓誌銘

豫州墓誌銘

傳

太常敬子任府君傳

誄

三才集  
從子永寧令誄

祭文

祭禹廟文

佛事文

禮佛唱導發願文

懺悔禮佛文

初夜文

附錄

王僧孺傳

陳姚察

王僧孺傳

唐李延壽

爲蕭揚州薦士表

梁任昉

別王僧孺

齊謝朓

贈王僧孺

梁任昉

入蘭臺贈王治書

梁吳均

遺事



王左丞集卷之一

梁東海王僧孺僧孺著

明閩漳張 燮紹和纂

賦

賦體

雜沓兮翠旌容與兮龍駕  
新桐兮始華乳雀兮初化  
思治兮終朝求人兮仄夜  
竟大德之未酬何飛光之徒舍

樂府

朱鷺

因風弄玉水映日上金堤猶持畏羅繖未得與  
鳬鷺聞君夢白雉兼因重碧雞永能聲似鳳聊  
變色如珪願識昆明路乘流飲復棲

鼓瑟曲有所思

夜風吹熠燿朝光照昔耶

昔耶无松也一作辟邪

幾銷縻

蕪葉空落蒲桃

一作薊

花不堪長織素誰能獨浣

沙光陰復何極望促反成賒知君自蕩子奈妾

亦倡家

白馬篇

千里生冀北玉韉黃金勒散蹄去無已搖頭意  
相得豪氣發西山雄風擅東國飛鞚出秦隴長  
驅繞岷棘承謨若有神稟筭良不惑漸汨河水  
黃參差嶂雲黑安能對兒女垂帷弄毫墨兼弱  
不稱雄後得方爲特此心亦何已君恩良未塞  
不許誇天山何由報皇德

古意

青絲控燕馬紫艾飾吳刀朝風吹錦帶落日映  
珠袍陸離關右客照耀山西豪雖非學詭遇終  
是任逢遭人生會有死得處如鴻毛寧能偶雞  
鶩寂寞隱蓬蒿

### 登高臺

試出金華殿聊登銅雀臺九路平如掌一作砥  
門洞已開軒車映日過簫管逐風來若非邯鄲  
美便是洛陽才

### 湘夫人

王左丞集

卷五

三

桂棟承薜帷  
耿耿川之湄  
白蘋徒可望  
綠芷竟空滋  
日暮思公子  
銜意嘿無辭

詩

侍宴

麗景禱春餘  
清陰澄夏首  
交枝隱脩逕  
迴流影遙阜  
徙帷轢輕筠  
移鑾拂高柳  
去矣勞茂績  
勉哉報嘉誘  
小臣良不才  
涓塵愧所守  
何用勝雕斲  
譬木良如朽

又

迴輿避暑宮  
下輦迎風館  
散漫輕烟轉  
霏微商雲散  
蔓草亘巖垂  
高枝廻天半  
回風稍驚水  
落

光漸斜  
舛妙儻駐行雲  
清歌入層漢  
晬顏暢有  
懌德音良已粲

落日登高

憑高且一望  
目極不能捨  
東北指青門  
西南見  
白社軫軫河梁上  
紛紛渭橋下  
爭利亦爭名  
驅車復驅馬  
寧訪蓬蒿人  
誰憐寂寞者

中川長望

長川杳難卽  
四望四無極  
安流寧可值  
憤風方  
未息危帆渡中懸  
孤光巖下晃  
舛際樹難辨  
雲

中鳥易識莫恨東復西誰知迂且直故鄉相思  
者當春愛顏色獨寫千行淚誰同萬里憶

贈顧倉曹

洛陽十二門樓闕似西崑  
曉曉累慙下相望隔  
畫垣畫垣向阿閣  
棲鳳復棲鴛五曹均  
趨奏六尚等便煩朝  
爐何馥馥夜錦有餘  
溫日中驅上駟驤首  
遍京宛晨趨魏公子  
夕宿韓王孫夙昔  
今何在生平棄不論  
譬如菴菴草心謝葉  
空存誰復三乘曉獨  
念九飛魂



秋日愁居答孔主簿

首秋雲物善晝暑且猶清日華隨水汎樹影逐  
風輕依簾野馬合當戶昔耶生物我一無際人  
鳥不相驚儻過北山北聊訪法高卿

至牛渚憶魏少英

楓林曖似畫沙岬淨如掃空籠望懸石回斜見  
危島綠草閑遊蜂青葭集輕鵠徘徊洞初月浸  
滢瀆春潦非願歲物華徒用風光好

寄何記室

君不得見望望獨長嘆夜風入寒水晚露拂  
秋花何由假日御暫得寄風車

何遜贈王左丞僧孺附

欄外鶯啼罷園裏日光斜遊魚亂水葉輕燕  
逐風花長墟上寒鶻曉樹沒歸霞九華暮已  
隱抱鬱徒交加

何遜敬酬王明府僧孺附

星稀初可見月出未成光澄江照遠火夕霞  
隱連檣賤軀臨不測玉體畏垂堂念別已零

蘇東坡集 卷一  
六  
淚況乃思故鄉

忽不任愁聊示固達

去秋客舊吳今春投故越淚逐東歸水心挂西  
斜月未應歲貶顏直以憂殘髮

爲何庫部舊姬擬薜蘿之句

出戶望蘭薰寒簾正逢君歛容裁一訪新知詎  
可聞新人含笑近故人含淚隱妾意在寒松君  
心逐朝槿

何生姬人有怨

寒樹棲羈雌月映風復吹  
逐臣與棄妾零落心  
可知寶琴徒七絃  
蘭燈空百枝顰容不足效啼  
粧拭復垂同衾成楚越異國非此離

爲人傷近而不見

羸女鳳凰樓漢姬栢梁殿  
詎勝仙將死音容猶  
可見我有一心人同鄉不異縣  
異縣不成隔同鄉更脈脈  
脈脈如牛女何由得一語

月夜詠陳南康新有所納

二八人如花三五月如鏡  
開簾一種色當戶兩

相映重價出秦韓高名入燕鄭十城屢請易千金幾爭聘君意自能專妾心本無競

詠擣衣

足傷金管遽多愴緹光促露團池上紫風飄庭裏綠下機驚西眺鳴砧遽東旭芳汗似蘭湯雕金辟龍燭散度廣陵音摻寫漁陽曲別鶴悲不已離鸞斷還續尺素在魚腸寸心憑鴈足

與司馬治書同聞隣婦夜織

洞房風已激長廊月復清藹藹夜庭廣飄飄曉

帳輕襪聞百蟲思備傷一鳥聲聲長不息妾  
心復何極猶恐君無衣夜夜當牕織

爲人述夢

工知想成夢未信夢如此皎皎無片非的一  
皆是以親芙蓉褥方開合歡被雅步極嬌妍食  
辭恣委靡如言非倏忽不意成俄爾及寤盡空  
無方知悉虛詭

侍宴景陽樓

金鋪燦可鏡桂棟儼臨雲沾觴均飲德服道驗

朝聞詎論禹無間非恥堯爲君小臣亦荷者短  
翮屢追群

春日寄鄉友

旅心已多恨春至尚離群翠枝結斜影綠水散  
圓文戲魚兩相顧遊鳥半藏雲何時不憫默是  
日竄思君

夜愁示諸賓

簷露滴爲珠池水合成璧萬行朝淚瀉千里夜  
愁積孤帳閉不開寒膏盡復益誰知心眼亂看

朱忽成碧

送殷何兩記室

掩袖出南浦驅車送上征  
飄飄曉雲駛濺濺日  
潮平不肖余何惜無貲爾  
勿輕倘有還書便一  
言訪死生

春閨怨

愁來不理鬢春至更攢眉  
悲看蛺蝶粉泣望卿  
蛛絲月映寒蛩褥風吹  
翡翠帷飛鱗難託意  
駛翼不銜辭



秋閨怨

斜光隱西壁暮雀上南枝風來秋扇屏月出夜  
燈吹深心起百際遙淚非一垂徒勞妾辛苦終  
言君不知

詠寵姬

及君高堂還值妾妍粧罷曲房褰錦帳迴廊步  
珠纒玉釵時可挂羅襦詎難解再顧連城易一  
笑千金買

在王晉安酒席數韻

窈窕宋華容但歌有清曲轉盼非無以斜眉幸  
相矚詎減許飛瓊多玉璽作絕勝劉碧玉何因送款  
款半飲杯中釀

爲人寵姬有怨

可憐獨立樹枝輕根易搖已爲露所挹復爲風  
所飄錦衾襞不開端坐夜及朝是妾愁成瘦非  
君重細腰

爲姬人自傷

自知心裏恨還向影中羞廻持昔慙慙變作今

悠悠還君與妾扇

一作釵

歸妾奉君裘斷弦猶可

續心去最難留

爲人有贈

碧玉與綠珠張盧復雙女曼聲古難匹長袂世  
無侶似出鳳凰樓言發瀟湘渚幸有寒裳便含  
情寄一語

見貴者初迎盛姬聊爲之詠

久想專房麗未見傾城者千金訪繁華一朝遇  
容冶家本薊門外來戲叢臺下長卿幸未匹文

君復新寡

傷乞人

少年空扶轍白首竟填溝  
葦蓆何由足菽藿不能周  
自顧非好乞行且欲包羞  
勞君款曲問昆此旻勤酬

春思絕句

雪罷枝卽青冰開水便綠  
復聞黃鳥聲全作相思曲

爲徐僕射妓作

日晚應歸去上客強盤桓稍知玉釵重漸見羅  
襦寒

聯句

阻雪連句遇贈和

積雪皓陰池壯風鳴細枝九達窓如繡何異達

別離

謝朓

風庭舞流霰冰沼結文澌飲春雖以燠

欽賢紛若馳

江秀才

珠璫條間響玉溜檐下垂杯

酒不相接寸心良共知

王丞融

飛雲亂無緒結冰

明曲池雖乖促席讌白首信勿虧

王蘭陵僧孺

飄素

瑩簷溜巖結噎通岐罇疊如未澣况乃限音儀

謝朓

原隰望徙倚松筠竟不移隱憂慙萱樹忘

馬昊

卷一

十七

懷待山卮

劉中書繪

初昕逸翮舉日晏驚馬疲幽山

有桂樹歲暮方參差

沈右率約

王左丞集卷之二

梁東海王僧孺僧孺著

明閩漳張燮紹和纂

表

吏部郎表

臣生輕飛籜品細疏壤寂寞州閭取淪室寶不自求於善管寧許人以能官從班隨牒自安疎達豈望翰飛終知跡滯一逢浸漉幾聞昭晉假拙爲心變竒成偶寧爲天覆地長復與雨露相



三才集 卷二  
滋秋成春發必如暄寒無爽自變泥塗多超嵩  
鄧屢考固其比越在累誠於可聞方愧朱紫永  
情鈞衡固惟許李終非王畢取其清尚同所經  
企求之碎密寧可庶幾

爲臨川王讓太尉表

臣聞一匹以長望千里而成累空輪易聘觸三  
尺而不登苟曰違方難用適達安車駟馬望高  
闕而朝至繡服緹麾輶康衢而暮返行瞻畫虎  
居對蒼龍陛下海涵春育日鏡雲伸追大道之  
無私惜微臣之宜極

爲南平王讓儀同表

臣聞石瓠難剖用謝錡壘瘳木云庇事垂丹雘  
逢聖徼天一朝賞至非能聲均吳楚譽將梁陳  
故以神夢紫霄心飛丹掖品同儀比愧眩莫殊

爲韋雍州致仕表

一旦攀附遂無涯限排雲矯漢飛捧待翼陸離  
蟬組照灼旂旗受脤推轂執珪奉酎變狹室於  
高門改小冠於侯服况德還周組其六印歸齊  
列其五鼎常懼輪輕載積基薄墉高器覆危傾  
人指鬼瞰老與年并疾隨衰及途逝齒截漏迫  
鐘鳴高春之景一斜不周之風忽至菌蟪夕陰  
倏駛無幾董薤朝采飄零已及仰朱闕而捲涕  
俯濛谷而自悲豈復式瞻拱默仰接鐘鼓儻惟

蓋未親東岳稍駐擊壤鼓腹其賜猶多

爲南平王妃拜收封表

拜爲南平王妃奉命震慙有灼丹寸妾膽絲  
望悅且或多慙鏡史觀圖是焉知愧以茲耿薄  
有儼蕃儀紉組不聞饘醢盖闕不悟玄造曲被  
徽渥愈臻改服遙名事華品貴恩深外邸榮照  
下庭豈期輜弱所能勝荷

謝曆表

竊以龍馭不爽靡見侵薄鳳職是司曾無旻眇  
璧聯珠燦輪映階平義實明時事惟均政固以  
先天候其餘始執杓驗其平分九瀛仰化萬寓  
依朔

牋

建請南司辭府牋

下官不能避湖山隅而正冠李下旣貽疵辱左  
致徽纆解錄收簪且歸初服竊以董生偉器止  
相驕王賈子上才爰傳卑主下官生年有值謬  
仰清塵假翼西雍竊步東閣多慙袷服取亂長  
裾高擗獨望直居坐右長階如畫獨在僚端借  
其從容之詞假以寬和之色恩禮遠過申白榮  
望多厠應徐厚德難逢小人易說方謂離腸隕



首不足以報一言露膽披誠何能以酬屢顧寧  
謂尉羅裁舉微禽先落閭闔始吹細草仍墜一  
辭九畹方去五雲縱天網是漏聖恩可恃亦復  
孰寄心骸何施眉目方當橫潭亂海就魚鼈而  
爲群披榛捫樹從虺虺而相伍豈復仰聽金聲  
式瞻玉色顧步高軒悲如霰委踟躕下席淚若  
綆縻

啓

謝除吏部郎啓

自一遇休明多逢渥澤出斯溝壑置之霄漢清  
塗華轍叨厠累仍顯職名階俄來倏至而智効  
必其無取尤怠忽焉已彰不意涵養更滋霧霈  
愈此始職樞華紛體恒選知非腴族必待俊民  
何言賤劣所或叨假循涯測限生所不勝瞻恩  
奉德死何能報

謝賜于阗國所獻檳榔啓

竊以文軌一覃充俛斯及入侍請蒞航海梯山  
獻琛奉貢充庖盈府故其取題任賦多述俞書  
萍實非其荔葩慙美

謝齊竟陵王使撰衆書啓

伏惟殿下銅爵始成早攜從后之句柏梁初構  
首屬驂駕之辭楚史所受曾不云述沛獻斯陳  
良未足採徒以願托後車以望西園之客攝齊  
下坐有縹南皮之游謬服同於魯儒竊吹等乎  
齊樂

爲蕭監利求入學啓

竊以矯首伺飛不如修戈跪足念遠莫若驅鑣  
故撲斲成於丹艘篠簜資於枯羽敢因葦末有  
志庠均爲山資於一簣學海漸其微流

答釋法雲啓

辱告惠示逆主上所答群臣仰諮神滅論伏覽  
循環載深鑽耒發蒙祛蔽朗若披雲竊以事蘊  
難形非聖莫闡理寂區位在愚成惑若非神超  
繫表思越機前豈能燭此微言若開金石洞茲  
妙境曾靡榛蹊喻之以必薦示之以如在使夫  
持論者不終泥于遙轍專謬者無永沈於惑海  
預奉淵暮孰不懽肅裁此酬白不申擎舞王僧  
孺呈

教

南海郡求士教

文舉下車寤夢於根矩長孫入境明發於龍丘  
此境三閩奧壤百越舊都漢開吳別分星畫部  
風序泱泱衣簪斯盛其川岳所產豈直明珠大  
貝桂蠹翠羽而已哉孝實人經則有羅威唐頌  
學惟業本又聞陳元士燮至於高尚獨往相望  
於嶼巘懷仁抱義繼蹤於前史

與何炯書

近別之後將隔暄寒思子爲勞未能忘弭昔季  
叟入秦梁生適越猶懷悵悵且或吟譚况岐路  
之日將離嚴網辭無可憐罪有不測蓋畫地刻  
木昔人所惡叢棘旣累於何可聞所以握手戀  
戀離別珍重弟夢同鄒季滛滛承曉吾猶復抗  
手分背羞學婦人素鍾肇節金飈戒序起居無  
恙動靜履宜子雲筆札元瑜書記信用旣然可



樂爲甚且使目明能祛首疾甚善甚善吾無惜  
人之才而有其病癰眩屢動消渴頻增委化任  
期故不復呼醫飲藥但恨一旦離大辱蹈明科  
去皎皎而非自汙抱鬱結而無誰告丁年蓄積  
與此銷亡徒竊高價厚名橫叨公器人爵智能  
無所報筋力未之酬所以悲至撫膺泣盡而繼  
之以血顧惟不肖文質無所底蓋困於衣食迫  
於饑寒依隱易農所志不過鍾庾又爲尺板斗  
食之吏以從阜衣黑綬之役非有奇才絕學雄

略高謨吐一言可以匡俗振民動一議可以固  
邦興國全璧歸趙飛矢救燕偃息潛魏甘卧安  
郢腦日逐隨月交擁十萬而橫行提五千而深  
入將使執圭裂壤功勒景鐘錦繡爲衣朱丹被  
轂斯大丈夫之志非吾曹之所能及也直以童  
句少才蟲篆末藝含吐綳縹之上翻蹀躞俎之  
側委曲同之鍼縷繁碎譬之米鹽孰致顯榮何  
能至到加性疎澁拙於進取未嘗去來許史邀  
遊梁竇俛首脅肩先意承旨是以三葉靡遘不

與運弁十年未徙孰非能薄及除舊布新清暑  
方旦抱樂銜圖訟謳有主而猶限一吏於岑石  
隔千里於泉亭不得奉板中涓頽衣裳之會提  
戈後勁厠龍豹之謀及其投効歸來恩均舊隸  
升文石登玉陛一見而降顏色再覩而接話言  
非藉左右之容無勞群公之助又非同席共研  
之夙逢筭餌卮酒之早識一旦陪武帳仰文陛  
俯眎佚之柱下充嚴朱之席上入班九棘出專  
千里據操撮之雄官參人倫之顯職雖古之爵

人不次取士無名未有躋景追風奔驟之若此  
耆也蓋基薄牆高塗暹力蹟傾靡必然顛倒可  
俟竟以福過災生人指鬼瞰將均宥器有驗傾  
卮是以不能早從曲影遂乃取疑邪徑故司隸  
慄慄思得應弦譬縣厨之獸如離繳之鳥將充  
庖鼎以餌鷹鷂雖事異鑽皮文非刺骨猶復因  
茲舌杪成此筆端上可以投昇北方次可以論  
輸左校變爲丹赭充彼春薪幸聖主留善貸之  
德紆好生之施解網祝禽下車泣罪愍茲志節

憐其敝屨加肉朽齒布葉枯株輟薪止火得不  
銷爛所謂還魂斗極追氣泰山止復除名爲民  
幅巾家巷此五十年之後人君之賜焉木石感  
陰陽犬馬識厚薄圓首方足孰不戴天而竊自  
有悲者蓋士無賢不肖在朝見嫉女無美惡入  
宮見妬家貧無苞苴可以事朋類惡其鄉原恥  
彼戚施何以從人何以狗物外無奔走之友內  
乏強近之親是以構市之徒隨相媒藥及一朝  
捐棄以快怨者之心呼悲可矣蓋先貴後賤古

當今貧季倫所以發此哀音雍門所以和其悲  
離又迫以嚴秋殺氣具物多悲長夜展轉百憂  
俱至况復霜銷草色風搖樹影寒蟲夕叫合輕  
重而同悲秋葉晚傷雜黃紫而俱墜蜘蛛絡幕  
熠燿爭飛故無車轍馬聲何聞鳴雞吠犬俛眉  
事妻子舉手謝賓遊方與飛走爲隣未用蓬蒿  
自沒愜其長息忽不覺生之爲重素無一厘之  
田而有數口之累豈曰匏而不食方當長爲傭  
保糊口寄身湓苑溝渠以實螻蟻悲夫豈復得

與二三士友抱接膝之歡屢足差肩攜綺縠之  
清文談希微之道德唯吳馮之遇夏馥范式之  
值孔嵩愍其留賃憐此行乞耳儻不以垢累時  
存寸札則雖先犬馬猶松喬焉去矣何生高樹  
芳烈裁書代面筆淚俱下

答江琰書

猥惠嘉音用蠲疾首發兩伸紙朗若披雲等嶢  
谷之清音比洞庭之高曲辭則美矣而擬其非  
倫譬享海鳥以醇醪嘉膳栖林狃以崇楹曾拱  
苟非其實立有驚怖况復以一離訴棄賓實淮  
然豈復能使一筇可輕八厨斯引且登清漢乍  
棄黃汗望影析交爭塗再楫其或躑林卧石籍  
卉班荆不過田畯野老漁父樵客酌醴焚枯鳴  
鳴相勞羨藜含糗果然滿腹寧有幡旗貴客車



馬大賓獻書盡先賢之德作頌罄前皇之美豈  
不俯拾青紫坐享大夫况復詠高梧而賦脩竹  
背清淮而遊長苑留東閣以從容登石室而高  
視豈與夫身沒名隕同年而共毀譽哉

與陳居士書

雲波遙曼燕越數千行雲鬱衍征禽難使用關  
巾車未能擱札引領南望悵矣心飛幸因劣薄  
懷章貴壤依然谷口覺子真之咫尺靜聆巖灘  
信子陵之非遠已入虛白之室用披蓬蒿之徑  
稟紛綸之高論承希微之妙旨虛往實歸用祛  
塵惑

濟事徐府君集序

君與靈川岳懸精辰象早照瑤璋夙表岐嶷孝  
慈天稟友愛冥深故以事顯家庭聲著同族年  
十八見召爲國子生曳裾持卷寔華庠璧有均  
閉戶靡因餘寵每攝齊函丈左右屬目蓄以鄰  
幾之性加以入神之資聞一知二師逸功倍遊  
魏闕而不殊江海入朝廷而靡異山林未嘗投  
刺權門驅車戚里遨遊梁董去來賈郭時春秋

猶少人爵未崇而清風嘉譽震灼朝野非直俯  
致貴仕故可坐享通侯而縹馬懸車閉門高枕  
恥爲詭遇試此行藏及皇運聿興重氛載廓君  
藏器待時合猶符契陵扶搖而高鶩排闥闔而  
容與故位隨德顯任與事隆重以姿儀端潤趨  
眄濳華寶佩鳴風豐貂映日從容帷裳綽有餘  
輝自綢繆軒陞十有餘載溫樹靡答露事不酬  
言之言無滿席下之迹不疑故以主聖臣賢  
以石投水如麟縱壑行解表綴言成

模楷猶復忘彼豐愉安茲素薄衣屨補食  
三杯車服不事鮮明室宇畏其雕與九德無遺  
百行備舉至於專心六典精贖必深汎遊群籍  
菁華無棄擲札含毫必弘靡麗摘綺縠之思鬱  
風霞之情質不傷文麗而有體

臨海伏府君集序

袁粲領袖一時儀形物有聲逾裴樂舉出王劉  
士有懷道蘊義望塵而趨者或三年而未識乍  
四角而一見與君道合神遇授分披衿敷文研  
理匪晨伊暮至於神經怪牒綠笥丹筒金版玉  
箱錦文緹帙並藏諸靈府秘在瑤臺而君莫不  
徧探冥贖具閱局檢常以前賢往學亟與聖違  
賈馬盧鄭非無紕越荀郭何王彌多躋謬二義  
可辨未值高卿之疑九事非難不逢平叔之間

其詩賦銘誄所作猶多

王左丞集卷之三

梁東海王僧孺僧孺著

明閩漳張 燮紹和纂

碑

中寺碑

夫玉律追天故躔次之期不變緹室候景則發  
歛之氣罔踰是以忘言種覺絕累於後心寄像  
聲形啓機於前教兼真假之雙燭均空有而兩  
忘蘊三明而過十地圓萬行而包四等道周百



億化起大千獎導群有滋濡萬類是用發廣大  
心吐微妙理將同商主取喻醫王開方便門示  
真實相固以濯之慈水銷以慧刀永言六趣用  
均一子中寺者晉太元五年會稽王司馬道子  
之所立也斜出旗亭事非湫隘傍超壁水望異  
狹斜天監十五年上座僧慈等更撰日禘架赫  
然霞立信以填金可埒引繩斯擬寫妙金樓模  
麗瓊閣岩堯偃蹇故三休而可至窈窕周流方  
中宿而斯盡萬楹百拱合沓相持繡桷玉題分

光爭映燭龍天矯將舉復還鳳鏗鏘如鳴更  
戢旁攀縷檻斜登釧砌煜爚金鋪玲瓏綺構無  
風自響不拂而淨耽耽蕭蕭信息心之勝地穆  
穆惛惛固忘想之嘉所銘曰

玄黃雖弭權輿未測生滅相輪成壞不極篋虵  
爭赴藤鼠無息情塵莫捨心火方赫是用三昧  
寔開五力湛寂無方示現多所踟躕吉樹殷勤  
禪渚斯道誰匡蒸哉我王施踰寶鉢俱等檀牀  
蕭宮改構梵宇方壯階飛瑞采地起泥香日流

閃爍風度清鏘道踰厥極固與天長

栖玄寺雲法師碑

溷溷大家茫茫直樸多淪變有莫辯塵濫猗歟  
息心言高理邈居之匪緬得之靡學刻情幾種  
厲想玄覺且說且定以披以握來遵北渚至依  
西岳西岳峩峩北渚迴波庭樓弱羽簷挂輕蘿  
甘麤衣惡棄厚安薄滅意囂湫寄心寥廓

墓誌銘

豫州墓誌銘

自姬發系因魏傳緒留路在趙名賢世襲相秦  
將漢英雄係踵忘寵辱無愠喜靡矜夸慎嗜欲  
其行軍用武勲合竒正乃治邊御衆威裕兼行  
常慄慄然以中原爲已任或欲十萬而橫行乍  
思五千而深入尅反舊京飲馬函渭然後高卧  
開帷晤言空谷思魯連之辭賞慕田疇之高蹈  
而火傳川逝長途已迫雖景鐘良史有功必書

刻板鏤石宜兼不朽銘曰

高勲藹藹長旌高旆入作爪牙出司襟帶民謠  
不息王言有會功爲上等政稱九最日隆寵秩  
方登遠大義轡難留濛水易收祕丘玄戶杳杳  
悠悠

傳

太常敬子任府君傳

恥一物之不知惜寸陰之徒靡下帷閉戶投斧  
懸梁雖玄晏書潘文勝經溢康成之忽忘所往  
公叔之顛墜礪砢無以異也若夫天才卓爾動  
稱絕妙辭賦極其精深筆記尤盡典實若閭金  
石似注河海少孺速而未工長卿工而未速孟  
堅辭不逮理平子意不及文孔璋傷於健仲宣  
病於弱其有集論尚書窮文質之敏駐馬停信

極疊疊之功莫尚於斯焉君職等曹張聲高左  
陸時乃高閣雪宮廣開雲殿秋窓春戶冬燠夏  
清九醞斯浮百羞並薦雲銷月朗聿茲遊客朋  
來旅見辭人才子辯圖學林莫不含毫咀思爭  
高競敏乃整袂端襟翰飛紙落豪人貴仕先達  
後進莫不心服貌慚神氣將殫顧余不敏廁夫  
君子之末可稱冥契是爲神交二三君子唯以  
從游日暮亭號昭仁庶子雲咫尺康成斯在借  
此嘉言將無絕乎千載



詩

從子永寧令誄

余之從子謙字幼光以昭陽紀歲誕賓旅月啓  
是閩隅瞑目泉岫是殲才子實喪俊民若其孝  
親睦友故非天墮地出異才絕學如有鬼告神  
授玉懷瑕而可指桂含蠹其取傷孰與九德彰  
於造次百行動爲表徵一作綴吐論含毫宣赴鍾  
琯標心用已懸符矩護惠響棲道清心可鏡和  
而靡屈簡而周爽邃若凝雲潔如止水無慙座

右不愧屋漏蒼苔繞路素塵滿席蕭索庭戶靡  
事鮮明沉淪典籍將絕弔賀室如夏甫狀等安  
期所有清塵唯不能忘懷藝而已斯美宜久宜  
長而驥驟之步中徂鸞驚之趨未矯一歸寥廓  
長反虛無雖東隅再暝鉗丙之御無及壯顧相  
望隸首之數不盡而怛化非常人所不免况風  
雲萬里開此山川客思故鄉次房之念何極輕  
棺反蜀父南之思可知而魂兮渺渺扁舟靡靡  
生人之望已冥歿歸之期又阻痛心傷目豈伊

一事無以少寄辛傷故復誅之云爾

昭昭洪眚映策光書達羸避項從衛遷徐基忠  
踐孝抱約懷虛有顯而默匪屈伊舒如茲邴魏  
譬彼董疎入登高闕出啓精廬瞻星畫野望闕  
推車履仁不置蹈道有餘九世盛矣七葉光諸  
往彌睿主來傳英儲峨峨三祖羅室並居前瞻  
紫闕傍望白渠高軒霞被四馬龍攄溫溫司武  
皎皎秘書義高松竹價重璠璣元昆世父重規  
疊矩容與學丘徘徊詞府青紫已拾大夫斯取

盛藩往相名畿來撫暉光不已驚生之子謾謾  
萬尋昂昂千里實鳳匪雜真龍非似均情遽寧  
得意莊李室有虛白門無囂滓遺心沮勸忘懷  
愠喜貧靡斯攝富其無恥險而不峭方而能理  
德有潤身學斯爲已逸羽難集孤峰易峙南邁  
瑤琨西踰杞梓人亦有言名爲實使譽傾邦國  
價騫州里崇蘭自芳珏玉自光汪汪巨壑曖曖  
重牆靡造靡請不迎不將久而愈敬狎而愈莊  
卽無矯資此有循常默非蓄短顯弗用長豈伊

陸雉如彼懸梁唯學已眾待問則強備在三篋  
兼下五行亦稅其巾于彼王吏如龍宮楚有斯  
內侍蘊此上才安茲下位儲扉始闢傳府初開  
爾其戾止辟彼昔才從斯簡帝仍此追陪何以

自茲翰飛傍佐戎列來攝儒衣儒衣濟濟  
訪對斯歸是義罔惑唯禮無違悠悠越嶂泱泱  
閩海薄言銅墨蒲密斯在孰云識吏政均舊宰  
循猛是兼絃韋無怠補袍方服治情莫改增賢  
匪課歸民自倍十郡爲則百城斯採化日未逢

政稱異等斯痛斯傷喪善殲良妖同武擔疾甚  
清漳闔棺陋邑掩櫬蕪鄉嗚呼哀哉耿耿輕軀  
悠悠長塗風生閭闔日去昆吾空歸故國寧識  
舊都水鳴秋鶴羊集寒鳥寒不夜哭惟獨呱呱  
茫茫大塊杳杳玄墟嗚呼哀哉伊吾與爾大別  
唯名肥泉猶接爪蹏未輕義雖子道思實友生  
歡憂共日險泰均情如菊有芬如蘭有薰別唯  
慕類居實呼群盡日持論遘夜披文漸漬義老  
祖述淵雲唯昏及旦自旭徂曛人道實難譬彼

從瀟驅車峭嶮執手河干三川縈薄七嶺悠憂  
卽茲不見心響迴淵歲仔會面且望音聲歡無  
一緒悲有萬端濛陰遽戢扶景易殘卽斯大暮  
爲此一棺山是難曉壘首場寒秋蟲相叫暮羽  
來搏宿草行沒宰樹方攢昭塗長已大夜斯安  
孰知冥默徒此汎瀾嗚呼哀哉

祭文

祭禹廟文

惟帝稟圖上昊貽則下民五聲窮聽四業兼徃  
輕璧惜景旣拾冠履愛人忘我不傾臍胝下車  
以泣事深罪已憑舟靡懼義存拯物盛業方來  
遺神如在夢被昆蟲理有好生之德事安非素  
固無厚味之求是用黍稷非馨蘋蘩以薦克誠  
斯享憑心可答



佛事文

禮佛唱導發願文

夫至覺玄湛本絕聲言妙慮虛通固略筌象雖  
事絕百非而有來斯應理亡四句故無感不燭  
皇上道照機前思超繫表凝神汾水則心謝寰  
中屈道軒丘則形勞宇內斯乃法忍降迹示現  
闢浮之境大權住地俯應娑婆之域故欲洗拔  
萬有度脫群生濯淨水於寶池蔭高枝於道樹  
折伏攝受之仁遇緣而咸拯苦言軟語之德有

感而斯唱日用不知利益莫限衆等相與增到

奉逮至尊五體歸命敬禮

云

仰願皇帝陛下

至道與四時並運玄風與八埏共廣反淳源於

三古捨澆波於九代至治已覩於今日大道復

屬於此時虎豹蹕而不驚虺蛇踞而莫噬埋金

坻玉毀契焚文嘉禾生醴泉出金車玉馬自相

暉曜玄鶴丹鳳飛鳴來往光景之所照燭舟車

之所驅汎若不屈膝係頸廻首革音入侍藁街

迎拜渭水與天地而長久等金石而逾固中岳

可轉長河有清而我聖皇愈溫愈粹不言而化  
行無爲而教肅

夫道備監撫望表元良察遠知微貫宗勾極不  
勞斧藻無待審諭况復靜悟空有同觀貞俗能  
行能說既信既持衆等齊誠奉逮儲君殿下歸  
命敬禮云仰願皇太子殿下厚德體於蒼莽  
廣載侔於礚礚前星照曜東離煥炳淑聞自遠  
和氣熏天異才爭入端人並至玉體怡清金聲  
妙越

夫茂實英聲道周德廣秉珪襲衮之貴坐槐憩  
棠之尊猶應興惜東暉俱吝西嶠悟蕉蘆之非  
實知鏡月之虛銜信秉電之不留驗畫水之隨  
合惟宜照之智炬灌以寶瀾增此睿根成斯妙  
植又各增到奉逮太尉等諸王殿下歸命敬禮  
云 仰願諸王旣明且哲聲跨於河楚令聞令  
望道均於旦奭德貫右戚義藹周親作鉉則與  
二曜相終臨岳則與四維等固若彭涓之遐永  
譬松筠之貞悅

夫天枝峻密帝葉英芬莫不王綬蘭搖金綳桂  
縟觀寸文而驗錦觀一毛而測鳳並能才高銅  
爵詞富雲臺彬彬疊疊超超灼灼以斯勝善奉  
建諸王殿下歸命敬禮云仰願諸王殿下穆  
穆與清風並扇英英將白雲興朗永鍾清祉長  
享元吉出牧則聲高民上入朝則譽光物右德  
重山王智超海藏鏗鏘麗於珠樹皎鏡光於玉  
田

夫道流雲幄德感椒闥必以前藉勝因宿稟嘉

數况重霑法雨更披慧日雖異姜后解珥請罪  
於周王不待樊姬捨肉有激於荆后而遵恭儉  
去嗜欲拚彫璣撒靡麗了心不滯正見無疑衆  
等齊誠奉爲六宮眷屬歸命敬禮云云願六宮  
眷屬業華姬日聲麗嫺辰震彩鑄圖傳芳詩史  
位齊寶印行等月光具六神通得四無礙

大稟開明之德懷深妙之心豈非修習有本故  
能依止無倦義興等諸公主忘斯華重甘此翹  
到金宿世之所記別故現前所以信了影響至

眞寤寐玄極人各增到仰爲諸公主歸命敬禮

云

云

願諸公主日增智性彌長慧根四攝四依

已遵已蹈七善七定靡退靡輟盛此王姬光茲  
帝女長享湯沐與河山而同固永服緹綺貫寒  
暑而無窮

夫三相雷奔八苦電激茲方火宅乍擬駛河故  
以尺波寸景大力所不能駐月御日車雄才莫  
之能過其間飲苦餐毒抱痛銜悲身口爲十使  
所由意思乃八疵之主衆等相與彼我齊到懺

悔業纏無始已來至於今日所爲十惡自作教  
他見善不讚聞惡隨善焚林涸澤走犬揚鷹窮  
鄭衛之響極甘旨之味戲笑爲惡倏忽成非侮  
慢形像陵踐塔寺不敬方等毀離和合自定權  
衡棄他斗斛愧心負理昧主欺親雖七尺非他  
方寸在我而能性其情在人未易恣此心口衆  
罪所集各運丹懇五體自投歸命敬禮云願  
現前衆等身口清淨行願具足消三障業朗三  
達智五眼六通得意自在



懺悔禮佛文

夫有非自有有取所以有無非自無無著所以  
無故有取之惑興倏成萬累無著之念起一超  
九劫是知道之所貴空有兼忘行之所重真假  
雙照稟氣含靈莫聞斯本自形賦影靡測由來  
故發茲識窟猶綿蒙其冥導此愚相尚窈冥  
而未悟茫茫有同暗海幽幽實在危城業風縈  
薄三有長驚惑水迴迴二死相屬以苦捨苦從  
暗入暗尋本不離色心卽事莫非生滅是用抱

此纏蓋輪迴生死恣其六愛興其八邪或徂詐而克昌乍仁義而溘歿或才均智等此賤彼豪或與日並時人升我墜唯言報施寂寥不知因對皎徹曩緣今果過現殖成有如符契不謬毫髮而欲以促生運其長術浮命迴其冥數當知剎那交謝瞬息不留東轉纔吐西嚙已仄譬閬川之駛流若栖葉之輕露僞城易弛毒樹自攻若非假實兩明真俗俱辨豈能寫誠迴向刻意修習不退不沒愈堅愈固南平大王殿下含辰

象之正氣畜海嶽之淳靈宿侍八恒早遊七覺  
精妙因於永劫招勝果於茲地若真金之愈鑒  
美玉之載琢是用未積已散不藏而捨故今式  
招靈指仰屈神儀建此齋肅譬茲關鍵盛來緇  
素濟濟洋洋名香遍室寶華覆地高梵宛轉寧  
止震木過雲清樺遙奕非直騰魚御馬仰願四  
部至誠五體歸命東方云願大王殿下五畏  
內造十力外扶百福莊嚴萬祉周集愕夢無恡  
其慮甘寢有恬其神更闢寶衢愈興慧業

夫玄極凝淡非學者所窺妙本難思豈行人能  
測是以十地云覩有羅縠之疑三乘稱見懷狂  
羊之惑自非鑒窮機覺照極冥虛窮理盡性體  
元含一安能濟世仁壽拯物沾危道包碧海聲  
高赤縣昔堯曜唯在即世舜黑不兼來果四巡  
疲於禹迹六事倦於湯身並域中之勤勞方內  
之成益豈有度元元於苦海拔冗冗於畏途運  
神力震法吼究香城之妙理窮金河之奧說慧  
高龍樹智出馬鳴必欲洗濯臣民獎導緇白天

覆瓿養水產陸生成降慈悲悉蒙平等奉爲皇

帝陛下儲君太子歸命敬禮

云

仰願皇帝陛下

下景祚與七政相齊皇基與二曜均永地平天  
成樂和禮洽玉燭道正氤氲無爽條風祥雨膏  
潤相屬却馬偃伯鑄戟銷戈南洎北臨西被東  
漸灑甘雨布慧雲唯繩可結在冠已盡唐哉皇  
哉爲導爲首又願皇太子殿下睿業清暉與貞  
明而並燭粹範溫儀從蒿霍而俱峻聲出姬誦  
道越漢莊永沐智水長照慧日上妙居身至仁

在已自雙樹八枝潛光匿曜寶城不闢慧扇方  
掩而聖后驚法輪於長路棹寶舟於遙壑道狹  
人祇福隆祧墀肅事園寢虔奉宗祏藉斯妙果  
奉逮七廟聖靈歸命敬禮云仰願重明累聖  
優然如在騰神淨國總駕天宮託化金葉遨遊  
寶殿

夫誠心內惻則至覺如在形力外殫則法身咫尺  
步衆等相與增到爲諸王兄弟妃主戚屬歸命  
敬禮云願諸三殿下裂壤盛於諸姬磐石過

於隆漢德高舉衛義重間平論道則百辟依風  
作翰則群黎仰化弘闡至教紹隆季像第內少  
長並膺此多福若百華之春麗譬萬寶之秋成  
信解堅深趨向無怠

夫小乘志劣事唯一已大士意均乃包六趣今  
日檀主信等明珠無勞傍鏡質同挺玉不待外  
光常欲物我均心怨親等觀衆等各歸誠爲二  
十八天四王釋梵人間貧病地獄辛楚敬禮尊  
儀靈像菩提寶塔

云

大乘奧藏妙法深經大

身無邊身大力無量力四向四果八賢八聖願  
六氣氤氲四序熙穆至治光萬宇玄化洞九幽  
襲介披鱗濕生卵化八苦六窮三塗五道俱蒙  
惠利並識遵依刀林輟刃劍樹摧險迷域開道  
直指四衢開室生明大啓三曜俱向道場同證  
種覺



初夜文

夫遠自無始至於有身生死輪騫塵轢莫之比  
明暗遞來薪火不能譬逝水非駛千月難保夢  
蟲習苦桂蠹喜甘大睡劇於據梧長昏甚於枕  
麴義非他召事實已招曾不知稟此形骸所由  
而至將斯心識竟欲何歸唯以勢位相高爭驕  
華於一旦車徒自盛競馳驚於當年莫不恃其  
雄心壯齒紅顏緇髮日恣肥醲身安輕靡繁絃  
促柱極滔湮而不厭玉牀象席窮靡曼而無已

謂悲泉若木出沒曾不關人樽鳥顧免升落常  
自在彼殊不知命均脆草身爲苦噐何異犬羊  
之趣屠肆麋鹿之入膳厨秋蛾拂燄而不疑春  
蠶縈絲而靡悟未辨先對不識因習及其一觸  
畏途孟門非險輟裂肢解方斯不臻其痛斷趾  
鑿肩比茲未極其苦輪迴起伏杳杳悠悠是以  
天中之天降悲提引墜戛河之長瀉撲秋原之  
猛燎或同商圭乍等醫王形遍三千教傳百億  
或恣其神力或寂諸梵境言則三塗離苦笑則

臣生受樂乃應病投機解紛說理制之日夜稱  
爲八關以八正鑰爲法關鍵斯實出世之妙津  
在家之雄行衆等相與運誠奉逮南平王殿下  
歸命敬禮云云仰願大王殿下睿業清暉與南  
嶽而相固貞心峻節等東溟而共廣萬累煙消  
百災霧滅巧幻所不惑彊魔莫能撓逐慘舒而  
適體隨暄涼而得性自稟儀天之氣永固膳衛  
之道得六神通力具四無礙智夫日在昆吾則  
慮繁事擾景落濛汜則神靜志怡璧月珠星含

華相照輕雲薄霧朗然自戢鳴鐘浮響光燈吐  
輝法幢卷舒拂高軒而徐薄名香郁馥出重檐  
而輕轉金表含映珠柱洞色况復天尊端凝威  
光四照煥發青蓮容與珂雪覺祇衛之咫尺若  
林園之斯在大招離垢之賓廣集應真之侶清  
梵含吐一唱三嘆密義抑揚連環不輟南平王  
體得機之敏資入神之微抱德含和經仁緯義  
善無細而不窮累有輕而必捨受同虛籥照如  
懸鏡忘象衛之尊高略栴萼之華重建希有之

勝府臨難遇之法場相與五體歸命敬禮

云云

仰願大王歿下入不二門登一相道德階不動  
智超遠行洋溢惠聲與八風而興遠優游玉體  
等六律而相調餐雪山之良藥挹露城之甘味  
袞服瓊珪與四時而永久朱輪緹幟貫千祀而  
常然

附錄

王僧孺傳

陳姚察

王僧孺字僧孺東海郟人魏循將軍肅八代孫  
曾祖雅晉左光祿大夫儀同三司祖淮宋司徒  
左長史僧孺年五歲讀孝經問授者此書所載  
述曰論忠孝二事僧孺曰若爾常願讀之六歲  
能屬文旣長好學家貧常傭書以養母所寫旣  
畢諷誦亦通仕齊起家王國左常侍太學博士  
尚書僕射王晏深相賞好晏爲丹陽尹召補郡

功曹使僧孺撰東宮新記遷大司馬豫章王行  
參軍又兼太學博士司徒竟陵王子良開西邸  
招文學僧孺亦遊焉文惠太子聞其名召入東  
宮直崇明殿欲擬爲宮僚文惠薨不果時王晏  
子得元出爲晉安郡以僧孺補郡丞除候官令  
建武初有詔舉士揚州刺史始安王遙光表薦  
祕書丞王暕及僧孺曰前候官令東海王僧孺  
年三十五理尚棲約思致悟敏旣筆耕爲養亦  
傭書成學至乃照螢映雪編蒲緝柳先言徃行

人物雅俗其泉遺儀南宮故事盡地成圖抵掌  
可述豈直鼯鼠有必對之辯竹書無落簡之謬  
訪對不休質疑斯在除尚書儀曹郎遷治書侍  
御史出爲唐令初僧孺與樂安任昉遇竟陵王  
西邸以文學友會及是將之縣昉贈詩其略曰  
千帷無倦升高有屬嘉爾晨燈惜余夜燭其爲  
士友推重如此天監初除臨川王後軍記室叅  
軍待詔文德省尋出爲南海太守郡常有高涼  
生口及海舶每歲數至外國賈人以通貨易舊



時州郡以半價就市又買而即賣其利數倍歷  
政以爲常僧孺乃歎曰昔人爲蜀部長史終身  
無蜀物吾欲遺子孫者不在越裝並無所取視  
事朞月有詔徵還郡民道俗六百人詣闕請留  
不許旣至拜中書郎領著作作復直文德省撰中  
表簿及起居注遷尚書左丞領著作如故俄除  
游擊將軍兼御史中丞僧孺幼貧其母鬻紗布  
以自業嘗携僧孺至市道遇中丞鹵簿驅迫溝  
中及是拜日引騶清道悲感不自勝尋以公事

臣爲雲騎將軍兼職如故頃之卽真是時高祖  
製春景明志詩五百字敕在朝之人沈約已下  
同作高祖以僧孺詩爲工遷少府卿出監吳郡  
還除尚書吏部郎參大選請謁不行出爲仁威  
南康王長史行府州國事王典籤湯道愍暉於  
王用事府內僧孺每戡抑之道愍遂謫訟僧孺  
逮請南司坐免官久之不調友人廬江何炯猶  
爲王府記室乃致書於炯以見其意久之起爲  
安西成王參軍累遷鎮右始興王中記室北中

郎南康王諮議參軍入直西省知撰譜事普通  
三年卒時年五十八僧孺好墳籍聚書至萬餘  
卷率多異本與沈約任昉家書相埒少篤志精  
力於書無所不覩其文麗逸多用新事人所未  
見者世重其富僧孺集十八州譜七百一十卷  
百家譜集抄十五卷東南譜集抄十卷文集三  
十卷兩臺彈事不入集內爲五卷及東宮新記  
並行於世

王僧孺傳

唐李延壽

王僧孺字僧孺東海郟人也魏衛將軍肅八世孫也曾祖雅晉左光祿大夫儀同三司祖準之宋司徒左長史父延年員外常侍未拜卒僧孺幼聰慧年五歲便機警初讀孝經問授者曰此書何所述曰論忠孝二事僧孺曰若爾願常讀之又有餽其父冬李先以一與之僧孺不受曰大人未見不容先嘗七歲能讀十萬言及長篤愛墳籍家貧常傭書以養母寫畢諷誦亦了仕

齊爲太學博士尚書僕射王晏深相賞好晏爲  
丹陽尹召補功曹使撰東宮新記司徒竟陵王  
子良開西邸招文學僧孺與太學生虞羲丘國  
賓蕭文琰丘令楷江洪劉孝孫並以善辭藻游  
焉而僧孺與高平徐寅俱爲學林文惠太子欲  
以爲官僚乃召入直崇明殿會薨出爲晉安郡  
丞仍除侯官令建武初舉士爲始安王遙光所  
薦除儀曹卽遷治書侍御史出爲錢塘令初僧  
孺與樂安任昉遇於竟陵王西邸以文學會友

及將之縣昉贈詩梁天監初除臨川王後軍記  
室待詔文德省出爲南海太守南海俗殺牛曾  
無限忌僧孺至便禁斷又外國舶物高涼生口  
歲數至皆外國賈人以通貨易舊時州郡就市  
回而卽賣其利數倍歷政以爲常僧孺歎曰昔  
人爲蜀郡長史終身無蜀物吾欲遺子孫者不  
在越裝並無所取視事二歲聲績有聞詔徵將  
還郡中道俗六百人詣闕請留不許至拜中書  
侍郎領著作復直文德省撰起居注中表簿遷

尚書左丞俄兼御史中丞僧孺幼貧其母鬻紉布以自業嘗携僧孺至市道遇中丞鹵簿驅迫墜溝中及是拜日引騶清道悲感不自勝頃之卽真時武帝制春景明志詩五百字敕沈約以下辭人同作帝以僧孺爲工歷少府卿尚書吏部郎參大選請謁不行出爲仁威南康王長史蘭陵太守行府州國事初帝問僧孺妾媵之數對曰臣室無傾視及在南徐州友人以妾寓之行還妾遂懷孕爲王典籤湯道愍所糾逮詣南

司坐免官久之不調友人廬江何燭猶爲王府  
記室僧孺乃與燭書以見其意後爲安成王參  
軍事鎮右中記室參軍僧孺工屬文善楷隸多  
識古事侍郎金元起欲注素問訪以砭石僧孺  
答曰古人當以石爲針必不用鐵說文有此砭  
字許慎云以石刺病也東山經高氏之山多針  
石郭璞云可以爲砭針春秋美疢不如惡石服  
子慎注云石砭石也季世無復佳石故以鐵代  
之爾轉壯中郎諮議叅軍入直西省知譔譜事



先是尚書令沈約以爲晉咸和初蘇峻作亂文籍無遺後起咸和二年以至於宋所書並皆詳實並在下省左戶曹前牘謂之晉籍有東西二庫此籍旣並精詳實可寶惜位宦高卑皆可依案宋元嘉二十七年始以七條徵發旣立此科人姦互起僞狀巧籍歲月滋廣以至於齊患其不寔於是東堂校籍置郎令史以掌之兢行姦貨以新換故昨日卑細今日便成士流凡此姦巧並出愚下不辨年號不識官階或注隆安在

元興之後或以義熙在宣康之前此時無此所  
此時無此國元興唯有三年而猥稱四五詔書  
甲子不與長歷相應校籍諸郎亦所不覺不才  
今史固自忘言臣謂宋齊二代士庶不分雜役  
臧闕職出於此竊以晉籍所餘宜加寶愛武帝  
以是留意譜籍州郡多離其罪因詔僧孺改定  
百家譜始晉太元中員外散騎侍郎平陽賈弼  
篤好簿狀乃廣集衆家大搜群族所撰十八州  
一百一十六郡合七百一十二卷凡諸大品略

無遺闕藏在祕閣副在左戶及彌子太宰參軍  
匪之匪之子長水校尉深世傳其業太保王弘  
領軍將軍劉湛並好其書弘日對千客不犯一  
人之諱湛爲選曹始撰百家以助銓序而傷於  
寡略齊衛將軍王儉復加去取得繁省之衷儉  
孺之撰通范陽張等九族以代鴈門解等九姓  
其東南諸族別爲一部不在百家之數焉普通  
二年卒僧孺好墳籍聚書至萬餘卷率多異本  
與沈約任昉家書埒少篤志精力於書無所不

觀其文麗逸多用新事人所未見者時重其篇  
博集十八州譜七百一十卷百家譜集抄十五  
卷東南譜集抄十卷文集三十卷兩臺彈事不  
入集別爲五卷及東宮新記並行於世

爲蕭揚州薦士表

梁任 昉

臣聞永賢暫勞垂拱永逸方之疏壤取類導川  
伏惟陛下道隱旒纁信克符璽六飛同塵五讓  
高世白駒空谷振鷺在庭猶懼隱鱗卜祝藏器  
屠保物色關下委裘河上非取製於一狐諒求  
味於兼采而五聲倦響九工是詢寢義廟堂借  
聽輿皂臣位任隆重義兼家邦實欲使名實不  
違微倖路絕勢門上品猶當格以清談英俊下  
僚不可限以位貌竊見秘書丞琅邪臣王暕年

二十一字思晦七葉重光海內冠冕神清氣茂  
允迪中和叔寶理遣之談彥輔名教之樂故以  
暉映先達領袖後進居無塵雜家有賜書辭賦  
清新屬言玄遠室邇人曠物疎道親養素丘園  
台階虛位庠序公朝萬夫傾首豈徒荀令可想  
李公不亡而已哉前晉安郡侯官令東海王僧  
孺年三十五理尙棲約思致恬敏旣筆耕爲養  
亦傭書成學至乃集螢映雪編蒲緝柳先言往  
行人物雅俗甘泉遺儀南宮故事畫地成圖抵

掌可述豈直廳前有必對之辨竹書無落簡之  
謬驪壁鎮雅俗弘益已多僧孺訪對不休質疑  
斯在竝東序之秘寶瑚璉之茂器誠言以人廢  
而才實世資臨表悚戰猶懼未允不任下情

別王丞僧孺

齊謝朓

首夏寔清和餘春滿郊甸花樹雜爲錦月池皎  
如練如何當此時別離言與宴留旗幟鬱紆行  
舟亦遶衍非君不見思所悲思不見

贈王僧孺

梁任昉

惟子見知惟余知子觀行視言要終猶始敬之  
重之如蘭如芷形應影隨曩行今止百行之首  
立人斯著子之有之誰毀誰譽脩名旣立老至  
何遽誰其執鞭吾爲子御劉略班藝虞志荀錄



三才集 下  
伊昔有懷交相欣助下帷無倦升高有屬嘉爾  
晨燈惜余夜燭

入蘭臺贈王治書僧孺 梁吳均

故人楊子雲校書麟閣下寂寞少交遊紛綸富  
文雅予爲隴西使寓居洛陽社相思非不深行  
行避驄馬

遺事

王僧孺被勅撰譜訪劉沓血脈所因沓曰桓譚  
新論云太史三世表並効周譜以此而推當起  
周代僧孺曰可謂聞所未聞

梁書

張由古謂同官昨買得王僧孺集大有道理杜  
文範知其誤應聲曰文範亦買得張佛袍集勝  
僧孺遠矣由古竟不之覺